



22. 01. 2021

Sadeta Kurtović

Broj:02-8- 995/21

Dana, 21.01.2021.god.

**JAVNO PREDUZEĆE BH POŠTA D.O.O. SARAJEVO
PROTOKOL CENTA POŠTA SARAJEVO
UL. OBALA KULINA BANA br:8
71000 SARAJEVO**

Predmet: Dostava Ugovora

U prilogu vam dostavljamo potpisane i ovjerene Ugovore o prijemu, prijenosu i uručenju pismonosnih i paketskih pošiljaka, pružanja posebnih poštanskih usluga i plaćanje naknade za ove usluge radi nastavka realizacije pružanja ovih usluga u 2021.godini.

Ukoliko ste saglasni sa ponuđenim ugovorom potrebno je da za potrebe škole vratite dva potpisana i ovjerena primjerka ugovora.

S poštovanjem,



V.D. Direktorica:
Sadeta Kurtović
(Kurtović Sadeta)

Dostaviti:

- naslovu
- a/a

Hamdije Kriševljakovića br. 55, Sarajevo, tel.: +387 33 26 29 00, fax: +387 33 55 21 86, mspvps@mspvps.edu.ba

UGOVOR

UGOVORNE STRANE:

1. **Javno preduzeće BH Pošta d.o.o. Sarajevo, Centar pošta Sarajevo, Zmaja od Bosne br.88,**
71000 Sarajevo (u daljem tekstu: davalac usluga) koga zastupa direktor CP Sarajevo Šemso Cerić, dipl.ecc
Identifikacioni broj: 4200682210021

Subjektat registrovan u Kantonalnom sudu u Sarajevu

Matični registarski broj: 1-23390-04, broj Rješenja UF-I 2439/04

Porezni broj: 0170863800, ID broj za PDV:200682210005

Transakcioni račun: 3389002208752866 kod UniCredit Bank

i

2. **JU SREDNJA ŠKOLA POLJOPRIVREDE, PREHRANE, VETERINE I USLUŽNIH
DJELATNOSTI SARAJEVO, ul. HAMDJIJE KREŠEVLJAKOVIĆA 55, 71000 SARAJEVO**

(u daljem tekstu: korisnik usluga) kojeg zastupa v.d. direktorica Kurtović Sadeta
Identifikacioni broj: 4200377840007

Matični registarski broj:65-05-0057-11 broj Rješenja 065-0-Reg-19-006316

ID broj za PDV: 200377840007

Subjektat registrovan kod: Općinski sud Sarajevo

Transakcioni račun: Trezorsko poslovanje

**PREDMET UGOVORA: Prijem, prijenos i uručenje pismonosnih i paketskih pošiljaka, pružanje
posebnih poštanskih usluga i plaćanje naknade za ove usluge**

ČLAN 1.

Predmet ovog Ugovora je pružanje usluga otpreme pismena pružaoca usluga JP BH POŠTA d.o.o. Sarajevo, CENTAR POŠTA SARAJEVO za potrebe naručioca usluga JU „SREDNJA ŠKOLA POLJOPRIVREDE, PREHRANE, VETERINE I USLUŽNIH DJELATNOSTI u 2021. godini. Po članu 10. stav ((1)d) Zakona o javnim nabavkama („Službeni glasnik BIH“ broj: 39/14), pružanje usluga otpreme pošte predstavlja zakonski monopol pružaoca usluga, te je navedenim članom izuzeto od primjene Zakona o javnim nabavkama BiH.

ČLAN 2.

Davalac usluga se obavezuje da će za potrebe Korisnika usluga vršiti usluge prijema, prijenosa i uručenja poštanskih pošiljaka i pružati posebne poštanske usluge u unutrašnjem i međunarodnom poštanskom prometu;
Davalac usluga će usluge prijema, prijenosa i uručenja poštanskih pošiljaka, za koje pošiljalac zahtjeva posebne poštanske usluge vršiti u skladu sa važećim propisima kojima se reguliše pružanje usluga u unutrašnjem i međunarodnom poštanskom saobraćaju, i propisima odredišnih poštanskih uprava.

ČLAN 3.

Ugovorna cijena za pružanje usluge prijema, prenosa i uručenja pismonosnih i paketskih pošiljaka, pružanje posebnih poštanskih usluga i plaćanje naknade za ove usluge za potrebe JU „SREDNJA ŠKOLA POLJOPRIVREDE, PREHRANE, VETERINE I USLUŽNIH DJELATNOSTI“ SARAJEVO iz člana 1. ovog Ugovora iznosi:

Neto cijena za pružanje usluge prenosa pošiljaka iz Člana 1. bez PDV-a iznosi:	1.500,00 KM
PDV 17%:	- KM
Ukupno sa PDV:	1.500,00 KM

U slučaju da se iznos iz stava 1. ovog Člana ne realizuje u cijelosti nijedna od ugovornih strana neće smatrati neispunjenjem ugovornih obaveza.

ČLAN 4.

Korisnik usluga je saglasan da za pošiljke koje preda na otpremu u periodu kada se na osnovu akata nadležnih organa vrši naplata doplatnih maraka (Međunarodni dan i nedjelja Crvenog križa, Nedjelja borbe protiv tuberkuloze, Dječija nedjelja i sl.), plati cijenu za doplatnu marku, a prema fakturi ispostavljenoj od strane davaoca usluga.

ČLAN 5.

Davalac usluga se obavezuje da će:

- poštanske pošiljke koje su predmet ovog Ugovora primati uz uvjete i na način određen Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07).
- poštanske pošiljke koje su predmet ovog Ugovora primati u pošti 71104 Sarajevo u propisanom radnom vremenu pošte sa korisnicima usluga, po obrazcu P-3 (Prijemna knjiga) popunjenom prema štampanom tekstu obrasca i ovjerenom od strane pošiljaoca u tri primjerka;
- da će korisnika usluga redovno snabdijevati sa preporučenim i vrijednosnim, a po potrebi i sa ostalim naljepnicama za označavanje posebnih poštanskih usluga;
- da će poštanske pošiljke koje su predmet ovog Ugovora uručiti primaocima na način i u rokovima kako je to određeno Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07).
- da će poštanske pošiljke koje su predmet ovog Ugovora, koje imaju naznačenu adresu primaoca, a koje nije bilo moguće uručiti, vratiti korisniku usluga sa naznačenim razlogom vraćanja za svaku pošiljku pojedinačno, te obračunati povratnu poštarinu za vrijednosna pisma i poštanske pošiljke za koje je zahtjevana posebna usluga rukovanja otkupnom pošiljkom;
- da će za izvršene usluge koje su predmet ovog ugovora izvršiti obračun poštarine prema važećem Cjenovniku poštanskih usluga JP BH Pošta d.o.o. Sarajevo i dostaviti fakturu u zakonskom roku.

ČLAN 6.

Korisnik usluga se obavezuje da će:

- poštanske pošiljke koje su predmet ovog Ugovora predavati uz uvjete i na način određen Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07), uz obavezu da odabere onu vrstu propisane usluge koja odgovara sadržaju, stvarnoj vrijednosti i značenju pošiljke ili saopštenju korisnika.
- u pogledu sadržaja, pakovanja, adresiranja i zatvaranja poštanskih pošiljaka iz člana 1. ovog Ugovora, koje predaje na otpremu, pridržavati se uvjeta definisanih Zakonom o poštama BiH ("Službeni glasnik BiH", br. 33/05) i Općim uvjetima za pružanje poštanskih usluga ("Službene glasnik BiH", br. 102/10), Zakonom o poštanskom prometu Federacije Bosne i Hercegovine ("Službene novine FBiH", br. 76/04) i Pravilnikom o općim uvjetima za pružanje poštanskih usluga ("Službene novine FBiH", br. 4/07).
- poštanske pošiljke koje su predmet ovog Ugovora predavati na otpremu u pošti 71104 Sarajevo u propisanom radnom vremenu pošte sa korisnicima usluga, obrascu P-3 (Prijemna knjiga) popunjenom u tri primjerka, a novine i časopise po obrascu P-1 (List predaje novina i časopisa) popunjenom u tri primjerka, i to tako što će upisati:
 - ukupan broj običnih poštanskih pošiljaka koje predaje na otpremu;
 - svaku knjiženu pošiljku pojedinačno, prema štampanom tekstu obrasca,
- u gornjem desnom uglu pošiljaka iz člana 1. ovog Ugovora za unutrašnji poštanski promet staviti oznaku "Poštarina plaćena kod pošte 71104 Sarajevo", a u lijevom gornjem uglu odštampati, odnosno napisati, naziv i adresu pošiljaoca;
- u gornjem desnom uglu pošiljaka iz člana 1 ovog Ugovora za međunarodni poštanski promet staviti oznaku "PORT PAYE", a u lijevom gornjem uglu odštampati, odnosno napisati, naziv i adresu pošiljaoca;
- na poštanskim pošiljkama, za koje zahtjeva posebne poštanske usluge, lijepiti naljepnice za označavanje posebnih poštanskih usluga, a da će preporučne i vrijednosne naljepnice lijepiti na poštanske pošiljke prema redoslijedu prijemnih brojeva;
- poštanske pošiljke mase preko 20 grama, te sve pošiljke čiji sadržaj nije isključivo pisano saopštenje, a koje glase za primaoca u međunarodnom poštanskom prometu, predavati otvorene, kao i da će sve pošiljke koje podliježu carinskom pregledu predavati samo kao preporučeno pismo ili vrijednosno pismo, uz priložene potrebne obrasce;
- prilikom predaje tiskovina davaocu usluga dostaviti na uvid jedan primjerak pošiljke, te garantovati da je sadržaj pošiljaka koje predaje na otpremu identičan primjerku koji je dostavio na uvid.

ČLAN 7.

Korisnik usluga se obavezuje da za izvršene usluge koje su predmet ovog ugovora davaocu usluga plati:

- poštarinu za prijem, prijenos i uručenje pošiljaka, prema Cjenovniku poštanskih usluga JP BH Pošta d.o.o. Sarajevo važećem na dan predaje pošiljaka na otpremu, a u zavisnosti od mase poštanske pošiljke i korištenja posebnih poštanskih usluga, udaljenosti odredišta i korištenja posebnih usluga;
- povratnu poštarinu prema važećem Cjenovniku poštanskih usluga JP BH Pošta d.o.o. Sarajevo, shodno Članu 3. stav 5. ovog Ugovora, za sva neuručena vrijednosna pisma i poštanske pošiljke za koje je zahtjevana posebna usluga rukovanja otkupnom pošiljkom;
- cijenu za doplatnu marku za pošiljke koje su, shodno Članu 2. ovog Ugovora, predate na otpremu u periodu kada se na osnovu akata nadležnih organa vrši naplata doplatnih maraka.

ČLAN 8.

Ugovorne strane su saglasne da posljednji dan u mjesecu bude dan za obračun usluge za tekući mjesec.

Korisnik usluga je obavezan plaćanje usluga iz člana 1. ovog Ugovora izvršiti u roku od 8 (osam) dana od dana prijema fakture.

Ukoliko korisnik usluga ne izvrši svoje obaveze iz stava 2. ovog člana plaća zateznu kamatu po stopi utvrđenoj zakonom.

ČLAN 9.

Ovaj Ugovor se zaključuje za period od 12 (dvanaest) mjeseci i to do 31.12.2021. godine, a stupa na snagu danom potpisa Ugovora od strane ovlaštenih osoba ugovornih strana.

Ugovorne strane mogu ovaj Ugovor raskinuti na osnovu pismenog zahtjeva jedne od ugovornih strana, s tim da je otkazni rok 15 (petnaest) dana od dana podnošenja pisanog zahtjeva za raskid Ugovora.

O svim izmjenama koje su relevantne za izvršenje ovog Ugovora (promjena adrese, preregistracija firme itd.) Korisnik usluga je obavezan izvjestiti Službu za poštansku eksploataciju u Centru pošta Sarajevo.

ČLAN 10.

Ugovorne strane će sve sporove koji eventualno proisteknu iz ovog Ugovora rješavati dogovorom, u suprotnom nadležan je Sud u Sarajevu.

ČLAN 11.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih za svoje potrebe 2 (dva) primjerka zadržava davalac usluga, a 2 (dva) primjerka korisnik usluga.

ZA KORISNIKA USLUGA



Sadeta Kurtović

broj: 02-9-995-1/29
dm, 21.01.2021. gpc



ZA DAVAOCA USLUGA

Iman

10.2-7.3-21/21

26. 01. 2021